



1. august 2023

UKA 2023/153

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

Qanoq iliornikkut nakorsat namminersortut nakorsiartarfiutitaarnissaminnut aallartisarsinnaalernissaat aqqutissiuunneqarsinnaanersoq pillugu apeqquteqaat aallaavigalugu oqallisissiasatut siunnersuut.

(Atassutip Inatsisartuni ilaasortaaitai)

Perulunnerni nakorsamut imaaliallaannaq sianerisaartoqarsinnaanngilaq ajortoqavissorsimatinnagu. Peqqinnissaqarfippullu imak artorsartigaaq allaat perulullutik ernumallutik sianertaraluartut itigartinneqartuurlutik. Ajoraluartumillu alianavissortumik ilanngui ikiorneqarsinnaagaluartut toqkkut qimaguttarlutik.

Nakorsassaaleqineq uteqattaartuarsinnaagaluarparput, pinngitsooratali aaqqiissutissamik ujtartuisinnaasariaqarpugut. Periarfissaasinnaasullu ilagaat nakorsat namminersortut aallartisarsinnaalernissaat, soorlu massakut sumiiffiit ilaanni namminersortunik kigutilerisoqartoq. Taamatullu periarfissaalersimalluni innuttaasut akiliisinnaassusillit kigutileriffiliapallassinnaalersimanagerat. Pisortaniillu peqqinnissaqarfitsinnut kigutileriffinnullu oqilisaataalluarsimallutik.

Taakkulu nakorsat namminersortut ulluinnarni peruluutit iluaalliuutillu misissugarisinnaavaat pinasuartoqartillugulu peqqinnissaqarfitsinnut innersuussisinnaassallutik, suliaritinnissamut allanullu katsorsaanernullu annerusunut. Massakkullu namminersortunik nakorsanik aallartisartoqarsinnaannginneranut peqquataavoq nakorsaatit iisartakkat allallu pisortatigoortumik aqunneqaramik peqqinnissaqarfittalu nakorsaatinik agguasarfianiit nakorsaniillu tunniunneqarsinnaallutik.

Namminersortunillu nakorsanik ingerlataqartoqarsinnaalernissaanut aqqut soqutigineqassappat alloriarnissap tullissaa tassaavoq nakorsat namminersortut nakorsaatinik tunniussisinnaalernissaat immaqaluunniit pisinnaatitaaffilerneqarlutik nakorsaatinik peqqinnissaqarfitta nakorsaatinik aallertarfianut innersuussinikkut.

Oqallilluarnissamik kissaallusi suleqatiseraassi, inuummi inuunera peqqissuunissaalu tamanit pingaarnerpaammat.